

tio, in quibus *entis*, *substantiae*, *viventis* simul indicantur, aut comprehenduntur.

34 II. Dividuntur etiam idea*x* in *singulares*; quae unicum individuum repräsentant, ut Platonis, aut Aristotelis notio: in *particulares*, rem individuam quidem, vago tamen modo referentes, ut vulgares loquendi modi; *quidam homo*, *aliquis philosophus*: in *communes*, quae rem pluribus communem modo collectivo comprehendunt; quales sunt *omnis potestas*, *nullus homo*: demum in *universales*; quemadmodum sunt *generum*, *specierum* etc. (18).

35 Schol. 1 Plures philosophi ideas communes, atque universales promiscuas habent. Alii communes vocant, quas nos universales appellavimus; et vicissim universalibus communium nomen attribuunt. *Rerum, verborumne sit controversia*, alii viderint.

36 Schol. 2 In notionibus modo explicatis probè distinguere oportet *comprehensionem*, atque *extensionem*. Comprehensionem vocant notarum collectionem, quas idea universalis complexitur. Extensionem vero multitudinem individuorum, quibus ipsa convenit. Viventis notio perfectiones metaphysicas illius comprehendit, quae oppidò paucæ sunt, si easdem cum individuis omnibus viventibus, ad quæ notio extenditur, comparaveris. Quod si comprehensio crescat, sive ad plures perfectiones extendatur, extensionem minui necesse est: et vicissim comprehensione minuente, alteram crescere oportet; ex. g. si *viventis* notas auxeris *sentientis*, aut *ratiocinantis* *adjunctis*, minorem in-

dividuorum numerum notio complectetur.

37 III. Ex hactenus dictis melius alteram notionum partitionem in *abstractas*, et *concretas* intelligas, maximè si articulum 24 attentiū relegeris. *Albedinis* notio abstracta, *hominis albi* concreta est; eo quod prima formam à subjecto abstrahit: altera veluti ipsa concretum repräsentat. Abstractas etiam ideas vocare solent dialectici eas, quas *universales* diximus (34); et quas etiam alio nomine *præcisivas* vocant (16), unde tritum illum proverbium: *abstrahentium non est mendacium*. Intellectus enim percipiens in homine corpoream substantiam, quin alias sublimiores perfectiones concipiat, non idcirco easdem negare censendus est.

38 IV. Notiones *absolutas* etiam, et *relativas* distinguere opportet. Absolutæ sunt omnes illæ, nullam alterius objecti notitiam necessariò excitantes; contrà vero relativæ non esse possunt, quin mentem ad aliam notionem transferant. Quis enim unquam creaturæ, aut servi nomen audiens, non statim ad rerum omnium conditorem, ut Dominum, animum advertit? Certè easdem habere non poterit, nisi et Creatoris, et Domini notiōm habuerit.

39 V. Deinum idea*x* *directæ* sunt, aut *reflexæ*. Directa illa dicitur, quæ suum objectum externum immediatè considerat, ac repräsentat. Reflexa autem ad propriam ideam reflectit, ac se percipere cognoscit. Cartesiana illa *primo-genita* idea, *ego cogito*, è qua vel demonstrationem suæ existentiæ, vel paralogismum, jux-

ta varios opinandi modos, elicuit Cartesius, inter reflexas est adscribenda.

40 Schol. Ne eadem repetere debeamus capite sequenti, quæ tantum vocibus differre manifestum est, præmonuisse sufficiat, easdem partitiones, ac nomina, quæ notionibus hactenus competere docuimus, eadem et vocabulis, quæ *termini* appellantur in scholis, atque ideae externæ dici possent, adamusim convenire. *Terminus* enim *directus*, *reflexus*, *abstractus*, *concretus*, *absolutus*, *relativus*, *universalis*, *particularis*, *singularis*, ceteri, sunt ipsamet notionum vocabula, de quibus jam sit,

CAPUT TERTIUM.

DE NOTIONUM SIGNIS. VI.

§. I.

Signorum species.

41 Signum est res externæ, qua ex sui aspectu alterius objecti notionem suscitat. Non imprudenter *suscitare* dixi. Res enim, quæ per signum nobis ostenditur, præcognita esse debet, ut illius idea in nobis excitetur. Quas enim notiones excitabunt characteres sinici, nobis lingam Confucii ignorantibus? Eas tantummodo, quæ cum aliis antea visis analogæ fuerint. Sinæ verò et nativæ linguae verba, et res per eadem significatas concipient.

42 Et hæc quidem signa ab hominum *institutione* dépendent, atque idcirco arbitraria

DE PERCEPTIONIBUS.

sunt; quum alia sint *naturalia*, uti respiratio vitæ animalis signum est. Ad signum verò *institutionis* quod attinet, manifestum est, nullam cum re, quam repræsentat, habere necessariam connexionem. Color niger nobis luctus notas præ se ferens, Sinis hilaritatis et splendoris ideas in vestibus excitat. Albus verò mœstitiae notas ipsis exhibens, plerumque nobis lætitiam conciliat. Porrò ejusmodi signa institutionis aut à divina voluntate dependent, vel ab hominum conventione originem ducunt. Sacra menta nostræ religionis à divini Servatoris institutione emanarunt: Arabum notæ numericæ à plerisque nationibus cultis in usum arithmeticum adoptatae sunt, utilitate suadente.

43 Plures alias signi divisiones prosequuntur aliqui auctores, veluti in *practicum*, quod rem, quam significat, efficit, aut continet; uti Sacra menta gratiam: et *inefficax*, cuius significati existentia ab illo non dependet: itidem *certa*, *probabilia*, *incerta*, *falsa*, de quibus nos longiorem sermonem texere, minimè opportunum judicamus; quum plura de vocibus dicenda occurrant in sequentibus, quæ utiliorē sibi operam poscunt.

§. II.

De terminis vocalibus.

44 Ingenuè fatendum, barbarum quidem *terminum* pro voce redolere, nativam latini sermonis puritatem sectantibus, verumtamen

aliter homines, aliter philosophos loqui putaverunt, oportere, qui isthac invenerunt. Quæ verò usu recepta accepimus, nefas ducimus pervertere, ne novam philosophiam, aut philosophandi modum cedere videamus. Terminus itaque vocalis est vocabulum rem quamdam hominum institutione constanter significans. Planum igitur est, terminos esse signa arbitria; ab eo, penè quem arbitrium est, et jus et norma loquendi, aut antiquanda, aut posteritati tradenda; unde multa renascentur, quæ jam cedidere, cadentque quæ nunc sunt in honore vocabula, ipsis nec opinantibus quidem hominibus, è quorum usu suprema lex in his sumitur.

45 Omissis acceptioribus vocum, quæ grammatici juris sunt, alliisque jam antea (40) explicatis, terminus dialecticæ considerationis in univocum, æquivocum, atque analogum distribui solet. Univocus terminus est, qui pluribus eademmet significatione tribuitur, ut homo. Æquivocus quamvis pluribus aptetur objectis, diverso tamen modo, ac sensu convenit, aliis quidem propriè, aliis autem improprio modo aptatur: *Leo* quidem, et *animal*, et *constellationem cœlestem* indicat, aliam tamen notiōnem habebis legens: *tum movet arma leo*; atque audiens, *furit stella vesani leonis*. Analogus, qui inter æquivocos recenseri deberet, est, qui significationem partim eamdem, partim diuersam includit, sicuti nomen *sanus* et *medicamento*, aut *cibo* tribuitur, et animali bene valenti; eo quod prima in altero restaurant vel conservant sanitatem.

46 Schol. Hic solebant proprietates terminorum exponi, *Suppositio* nimirūm, *Ampliatio*, *Restrictio*, *Alienatio*, *Appellatio*. Suppositionem tamen ad dissertationem sequentem reūjicimus, ubi sibi proprium vendicat locum. Ceteræ quamvis non multum ad rem logicam conferre videntur, breviter hīc exponentur.

47 Ampliatio est extensio termini ad id etiam, quod expressè non significat: ut *Christus pro omnibus mortuus est*, non solum ad existentes, verum ad præteritos, ac futuros, electos, et reprobos extenditur. Restrictio autem ampliationi contraria est, ac terminum ad angustiores limites, quam ejus significatio amplecteretur, contrahit, sicut *Vicarius Christi*, quo nomine Summus Pontifex intelligitur, quum alii etiam Episcopi, quos *Spiritus Sanctus posuit regere Ecclesiam Dei*, Christi Vicarii sint. Alienatio impropria quædam participatio est nominis: veluti quum imagines *Sanctos* vocamus. Demùm Appellatio est applicatio vocis ad peculiare significatum; quemadmodum si Alexandrum Aristotelis *magnum discipulum* appellarem, longè aliter intelligeres, ac si *magnum Alexandrum Stagiritæ discipulum* dicerem.

48 Schol. Inter signa recenseri debent scriptura, gestus, motus, et si qua sunt alia, quibus interna sensa exprimi posunt. Hæc enim omnia vocum imagines quædam sunt, quemadmodum voces internalium perceptionum vices gerunt. Porro scriptura duplex distinguitur: *vulgaris* et *hyeroglifica*: prima omnibus satis nota est. Hyeroglifica ab *Ægyptiis*, ut sacras

cæremonias arcanis figuris conservarent, inventa, aut potius scriptura primitiva, quæ, characteribus inventis à Sacerdotibus conservata, inter arcana Ægyptiorum recensetur, figuris symbolicis ad arbitrium conflictis constabat. Mexicanorum scripturam ad hyerogliphicam accedere existimant nonnulli: inter quos vir mexicanarum antiquitatum studiosissimus, Josephus Fabrega, Comajaguensis, qui modo dat operam, ut codicem mexicanum exponat inter radiora musæi Borgiani monumenta ab Em. Cardinali Stephano Borgia, omnigenæ literaturæ eximio cultore, asservatum. Quod ad gestum attinet, satis appareat in concionatoribus, sacris oratoribus, comedis, ac præcipue in mutis quantam vim habeat ad animi sensa, præsertim commotiones, affectus, aliasque perturbationes indicandas.

§. III.

De recto vocabulorum usu.

49 Summae sapientie Pythagoræ visum est omnibus rebus imposuisse nomina (Tuscul. 1. 25); et merito quidem; quoniam ratio ipsa neque tam nos juvaret, neque tam esset manifesta, nisi quæ conceperissemus mente, promere etiam loquendo possemus. (Quint. Inst. 2 cap. 16.) Primus quidem loquela usus est, ut nobiscum confabulemur, quoniam cogitare, plerumque est internè loqui: nec ferè unquam eveniat nos aliquid in mente revolvere, quin verba ipsa animo recurrent. Vinculum enim quoddam inter voces

atque ideas interveniens, ipso loquendi usu ita mente imprimitur, ut notiones memoriae recurrentes, vocum etiam recordationem nec opinantibus nobis intrudant; et vicissim vocabula præconceptas ideas, plerumque audientibus representant.

50 Alter usus, et præcipuus quidem, quo uno præstamus, vel maxime feris, est ad colloquendum inter nos, et ut exprimere, dicendo, sensa possimus. Et hic quidem duplex est, civilis alter, alter scientificus. Civilis usus in quotidiano cum hominibus commercio, ea nobis suggerit verba, quæ omnium captui maximè accommodata sint. Hinc duplex vitium societati perniciosum attente vitandum est, captiositas nempe in verbis, ambiguas loquutiones ad decipiendum usurpando: et vaniloquentia, quam paucis explanare oportet, ut nostra juventus id ætatis vitium magna caveat diligentia. Vaniloquentiam, garrulitatem eorum voco, qui scientifica vocabula in familiari colloquio fundentes, ea miscent, atque obtrudunt, quæ audientes vix quidem possint capere. Ne patient animi sensa, tacere potest, rectè his monendum foret. Plerumque hoc vitio laborant adolescentes, scientiis operam dantes, qui opportunè, et importunè, quæ in scholis didicrunt, doctrinæ gloriolam captantes, etiam domesticis oblaterant, puerili garrulitate vocabula, quæ scientiarum sunt propria, in familiarem sermonem intrudentes. Scientificus enim usus locum tantum habere debet in scientiis tradendis, aut ea tractando, quæ facultatis cu-

jusque propria sunt, coram his qui hujusmodi notionibus imbuti fuerint. Nonnulla etiam in his exponendis monent auctores, quæ operæ pretium adjungere existimavi.

51 I. Translatas loquutiones, tropos, atque exhuberantis eloquentiæ ornamenta fugere quidem oportet, qui scientias tradit, aut tractat. Voces nimurum usurpare debet in propria significatione, et quæ docent magis, quam quæ delectant, sectari. Ea enim interdum animum à veritate revocant, voluntatem demulcendo; atque attentionem, qua nulla re magis ad discordum indigemus a severioribus ad jucundiora transferendo. Neque hæc ita dicta intelligentur, quasi omnes eloquendi regulæ à philosopho prætermitti debere credamus, ac barbarum quemdam, atque incomptum dicendi modum adhiberi oportere. *Hanc enim perfectam Philosophiam semper judicavi, ajebat Cicero, (Tuscul. lib. 1.) quæ de maximis questionibus copiose posset, ornateque dicere: quod et ipse in omnibus suis libris philosophicis abunde præstítit. Ad scholas tamen transferre Tullianam illam copiam, quod quidam auctor sibi licere creditit, nos minimè opportunum judicamus.*

52 II. Rerum affluentia, et verborum inopia cogit nos sæpe eodem vocabulo objecta diversa significare. Exemplum sunto, quæ causam, et effectum simul comprehendunt, uti *fri-gus, calor, frigidus, calidus, humidus, siccus* cetera, quæ tam causæ effectum producenti, quam sensationi ab ipsa excitatae tri-

buere soleme habemus, ac notiones plerumque falsas inducimus. Ego quidem ita sentio; si in philosophia, aliisque scientiis, quæ disputationi locum præbent, voces ritè expONENTUR, ita ut quid quisque dicat, sine ulla ambiguitate intelligeretur, plurimæ quæstiones magno animorum æstu agitatæ, omissæ fuisse non mediocri rei litterariæ emolumento. *Demenia enim est supervacua discere in tanta temporis egestate (Sen. Ep. 48.). Ut igitur ambiguitas in verbis quantum fieri potest viteretur, vocum, quæ duplē sensum reddere possunt, significationem explanare oportet, et quem ex his potissimum usurpandum decreverimus, palam animadvertere. Quod si deinde casu occurrat sensum variare, diligenter sunt præmonendi auditores, aut lectores, ne decipiantur. Significata etiam verborum ex auctoris mente, non ex nostra libidine, aut usu concipienda sunt. Plura hic afferre possem exempla altercationum inter viros, et doctos, et graves, quæ omnino vitari potuissent, ac deberent; attamen et libris conscriptis, et disputationibus publicis promoventur, maximo christianæ pacis, et charitatis detrimento; necnon heterodoxorum ac philosophantium incredulorum plausu, et cachinnis, hujusmodi digladiationes spectantium.*

53 III. Nonnulli sunt, qui vix sua sensa exprimere, atque aliis manifestare possunt. Plurima dicunt, verba mutant, sententias addunt; dumque mentem suam magis explicare contendunt, minus se intelligunt, audientem-

que confundunt. Hoc vitium ab idearum confusione, aut à vocabulorum notionibus respondentium ignoratione, vel oblivione repetendum esse manifestum est. Qui enim distinctas notiones rerum non habet, aut cui voces his exprimendis non suppetunt; res quidem concipere potest, exponere aliis non potest. Idcirco qui hoc vitio laborant, omnium, quæ discunt, notiones distinctas, ac *facundiam præsentem* comparare sibi studeant, ut audientibus ritè sensa deppromant. Vide infra art. 300.

54 IV. Inania quædam vocabula, atque exphantasiæ nostræ penū depprompta, quin ullum verum sensum includant, studiosè fugere debemus. Sane defectu verborum, aut quia rem clariùs manifestare nobis videmur, quædam confungi solent vocabula inania, quandoque etiam absurdā, quibus nulla juxta notio respondet. Rem exemplo *bilinei*, *rectilinei* illustrat Jacquierus, quo nomine si quis spatiū duabus lineis comprehensum velit explicare, rem quidem facilè ab aliis intelligendam, absurdam tamen, atque omni notione vacuam inducet. Opiniones etiam nonnullæ extiterunt, quarum materia meliori philosophiæ luce inanis detecta est; attamen vacua significatione nomina ab nonnullis proferri audies, quæ in bibliothecis veluti antiqua monumenta in quorundam libris asservantur: à quibus indicandis supersedere decrevi, quemadmodum et à pluribus aliis, quæ tacto nomine indigo, ne offenditionem incurram eorum, qui turpe putant parere minoribus, et quæ imberbes didicere, senes perdenda fateri.

55 V. Demum ne rem longius protrahamus, plura sunt in philosophia, ne dicam in omnibus aliis scientiis, barbara nomina, quæ usū communi recepta, egregiam præstant operam tradenti philosophiam, ob majorem perspicuitatem, ac brevitatem explicandi res, quæ maijore verborum circuitiōne exponi deberent, si ad latini sermonis puritatem loquutio exigenda foret. Exemplo sit vocabulum *impossibile*, quod quidem ut vitaret Tullius, aut quia ejus ætate inventum non erat, continua circuitiōne utitur, ut notionē huic voci subjectam expōnat. Idem dicendum foret de vocibus *objec-tum*, *subjectum*, sexcentisque aliis, quas inventire docuit latini sermonis egestas, ac novarum rerum inventio. Sane per molestem est tertio quoque verbo, *ávirator* repetere, quando et ab Apuleio, et apud eos etiam auctores delicatioris palati, *impossibile* scriptum reperiamus: "Dura quædam (ait Quintilianus Inst. I. 8. c. 3.) admodum videntur, ut *ens*, et *essentia*, quæ cur tantopere aspernemur, non video; nisi quod iniqui judices adversus nos sumus, ideoque paupertate sermonis laboramus." Plura in Marci Tullii libris philosophicis invenies ab ipso inducta verba, atque alios ut nova crudant hortante; quæ quidem omnibus danda est ve-nia, dummodo sit *sumpta prudenter*.